

मार्निंग डोगरी न्यूज़ बुलेटिन, समें. 09-20 Hrs

<><><><><><>

## Headlines

- प्रधानमंत्री नरेन्द्र मोदी होर अज्ज नमीं दिल्ली च कृषि अर्थ-शास्त्रिणं दे 32में अंतराष्ट्रीय सम्मेलन दा उद्घाटन करगंन।
- आँदे विधानसभा चुनाएं लेई तैआरिणं दा जायजा लेने लेई चुनां आयोग अगले हफते जम्मू कश्मीर दे दौरे पर आवा'रदा ऐ।
- उधमपुर जिले च इक ब्याह दी धाम च बुस्सी दी रूट्टी खने कारण 2 बच्चें दी मौत, 60 बमार।
- लक्ष्य सेन ओलंपिक्स दे सैमीफाइनल च पुज्जने आले पैहले भारतीय पुरुष बैडमिंटन खडारी बनी गे न।

<><><><><><>

## PM-Agri Conference

प्रधानमंत्री नरेन्द्र मोदी होरें अज्ज नमीं दिल्ली च कृषि अर्थशास्त्रिणं दी 32मीं अंतराष्ट्रीय कांफ्रेंस दा उद्घाटन करगंन। इस मौके ओह मजूद कृषि अर्थशास्त्रिणं गी संबोधत बी करगंन। एह सम्मेलन भारत च 65एं ब'रें दे वक्फे दे परैत करोआया जा करदा ऐ। 6एं दिनें तोड़ी चलने आले इस सम्मेलन दा सरिस्ता कृषि अर्थ-शास्त्रिणं दे अंतराष्ट्रीय संगठन आस्सेआ त्रऊं-त्रऊं ब'रें बाद कराया जंदा ऐ ते एहदा विशयसारे ऐ टिकाऊ कृषि खाद्य बवस्था बक्खी बदलाव ते सुधार। एहदा मकसद जलवायु परिवर्तन, कुदरती संसाधनें-वसीलें दा घटना-घट्ट होना, उत्पादन दी लागत च बाद्धा ते तनाजे जनेइणं अंतराष्ट्रीय चुनौतिणं कन्ने असरदार एंगै सिर निबड़ना ऐ। इस सम्मेलन कन्ने नमें शोधकर्ताणं ते बड़डे पेशेवर लोकें गी अपने उत्पादनें ते कम्में गी अंतराष्ट्रीय मंच पर रखने दा मौका थहोग।

<><><><><><>

## PM-Governors

प्रधानमंत्री नरेन्द्र मोदी होरें गवर्नरें गी अपील कीती ऐ जे ओह केन्द्र ते राज्य बश्कार इक असरदार पल दी भूमका नभान ते लोकें ते सामाजिक संगठनें कन्ने असरदार ढंगा सिर मेल जोल बधान। कल गवर्नरें दे दऊं रोजा सम्मेलन जेहदा उद्घाटन ते अध्यक्षता राष्ट्रपति द्रौपदी मुर्मू होरें कीती ही।



## Northern Command

उत्तरी कमान दे अध्यक्ष लैफ्टिनेंट जनरल सुचिनद्र कुमार ते नगरोटा स्थित 16 कोर दे जीओसी लैफ्टिनेंट जनरल नवीन सचदेवा होरें कल राजौरी जिले दा दौरा लाइयै इस सरहदी जिले च मजूदा सुरक्षा हालात दा जायजा लैता। दोरे दरान उनें राजौरी ते पुंद जिले दे फौजी कमांडरें, पुलस ते सिविल प्रशासन दे बड्डे अफसरें ते सिविल सोसायटी दे मिंबरें कन्नै बैठक लाइयै हालात बारे सोच बचार कीता। उत्तरी कमान अध्यक्ष होरें उत्थें तैनात सैनिकें कन्नै बी गल्लबात कीती ते पूरी निष्ठा, दलेरी ते तनदेही कन्नै दिन रात अपनी ड्यूटी गी अंजाम देने लेई उंदी सराहना कीती। उनें सैनिकें गी आखेआ जे ओह अग्गे बी इससै निष्ठा कन्नै कम्म करदे होई स्थिर ते सुरक्षत माहौल बनाई रक्खनं

<><><><><><>

## Look Out

जम्मू कश्मीर पुलस मार्च-2019 च जम्मू बस अड्डे च होए दे घमाके च शामिल इक जने दी तलाश च ऐ। इस हादसे च 2 लोकें दी मोत होई गई ही ते 32 जनें जख्मी होई गे हे। पुलस नै समूलचे जम्मू शैहर च दोषी दा पोस्टर लाई दित्ते दा ऐ जेहदी पंछान कुलगाम दे बसनीक यासिर भट्ट दे नां कन्नै कीती गई दी ऐ जेहड़ा हिजबुल मुजाहिद्दीन कन्नै कम्म करदा हा ते ओह अपराध दे समें बालग हा। जमानत उप्पर रिहा होने मगरा थमां गै भट्ट गायब ऐ ते पुलस नै लोकें गी ओहूदे बारे कोई बी जानकारी पुलस कन्नै सांझी करने लेई आखेआ ऐ तां जे उसी परतियै गिरफ्तार कीता जाई सकै।

<><><><><><>

## Udhampur Food

उधमपुर जिले दे घोरड़ी इलाके च इक ब्याह दी धामै च कथित तौरा पर बुस्सी रूट्टी खाने कारण दऊं बच्चें दी मोत होइ गई ते दुए दे सख्त बमार होने दी खबर ऐ। उधमपुर गिमां आकाशवाणी दे जिला संवाददाता अचिन दूबे नै जानकारी दित्ती ऐ जे जिनें दऊं बच्चें दी जान गई ऐ, उंदे चा इक दी उमर 4 ब'रे ते दुए दी 15 ब'रे दस्सी जा'रदी ऐ, जिनेंगी कल उधमपुर दे सरकारी मैडिकल कालेज अस्पताल पजाने पर डाक्टरें मोए दा आंदे दा घोषत कीता। इनें लोकें 31 तरीक बुधवारें घोरड़ी दे सत्यालता ग्रां च ब्याह दी धाम खाददी ही। बमार होए दे बाकी लोकें गी बी कल शुक्रवारें अस्पताल दाखल कराया गेआ जित्थें उंदा इलाज चलै करदा ऐ। इस मौके साढ़े जिला संवाददाता कन्नै गल्ल करदे होई मैडिकल सुपरिटेण्डेंट डॉ. संजय शर्मा होरें दस्सेआ.....

पुलसै मामला दर्ज करियै अग्गे द जांच शुरू करी दित्ती ऐ।

<><><><><><>

## CS-Industrial

मुख्य सचिव अटल डुल्लू होरें कल इक बैठक लोआइयै जम्मू कश्मीर च उद्योग क्षेत्र दे कम्मकाजें सरबंधी गतिविधिएं दा जायजा लैता। मुख्य सचिव होरें स्थापत इकाइएं दे निवेश पोर्टफोलियो दा आंकलन करदे होई विभाग आस्सेआ तैह् समें तैह्त् जिमीं दे आवंटन दे कम्मा गी तोड़ चाढ़ने लेई गलाया। डुल्लू होरें उनें आवंटियै खलाफ सख्त कारवाई दा निर्देश दित्ता, जेह्ड़े नमीं औद्योगिक नीति तैह्त् तैह् समें अंदर अपनी इकाइयां स्थापत करने च सक्षम नेई हैन। मुत्तलका विभाग दे आयुक्त सचिव विक्रमजीत सिंह होरें गलाया जे 18 ज्हार 185 कराड़ रपे दे निवेश प्रस्ताह् कन्नै 46 ज्हार 857 लोकें गी रोजगार मुहैया कराने आली तकरीबन 889 इकाइएं 31 मार्च 2024 तगर मुंडली जमीनी कम्म शुरू करी दित्ते दा ऐ। बैठक च दस्सेआ गेआ जे पैहली बारी औद्योगिक नीति तैह्त् जम्मू कश्मीर च 300 करोड़ रपे शा मती दी निवेश इकाइयां स्थापत कीतियागेइयां ते एह्दे इलावा 185 सेवाएं गी सिंगल विंडो पोर्टल राएं ऑनलाइन कीता गेआ ते हौसला-2.0 तैह्त् 511 महिलाएं गी जिला स्तर पर जेकेटीपीओ ते जेकेईडीआई तैह्त् शार्टलिस्ट कीता गेआ।

<><><><><><><>

## Ramban

रामबन जिले दे दूर दरेड़े इलाके दे बच्चें ते चेचा करी 6 ब'रे दी उमरी तगर दे न्याणे, पटयाली ते दुध पलाने आलियां महिलां ते 16 थमां 44 ब'रे दी उमरी तगर दिएं महिलाएं गी संगठित बाल विकास सेवा स्कीम आईसीडीएस तैह्त् लोड़चदे लाह् मुहैया कराए गे न। इस स्कीम दा उद्देश्य लक्षित समुदाय दी सेहत, खान-पान ते शिक्षा च सुधार आन्नना ऐ। साढ़े रामबन दे संवाददाता होरें जानकारी दित्ती ऐ जे खरी ब्लाक दी 12 पंचैतें दी तकरीबन 150 महिलाएं तगर आईसीडीएस स्कीम तैह्त् लोड़चदे लाह् पजाया गेआ ऐ। एह्दे इलावा इनें महिलाएं गी प्रधानमंत्री मातृ बंधन योजना स्कीम तैह्त् 5 ज्हार रपे प्रोत्साहन दे तौरा पर बी हासल होंदे न। साढ़े संवाददाता कन्नै गल्ल करदे होई इक लाह्कारी महिला जमूर्ता बेगम नै दस्सेआ.....

<><><><><><><>

## Olympic

पैरिस ओलंपिक च कल लक्ष्य सेन नै बैडमिंटन दे मर्दे दे इक्कले मकाबले दे सैमी फाइनल च अपनी थाहर पक्की करी लेई ऐ। ओह् भारत दे पैहले बैडमिंटन खडारी बनी गे न, जिनें ओलंपिक खेड़्डें च मर्दे दे इक्कले मकाबले दे सैमीफाइनल च प्रवेश कीता ए। लक्ष्य सेना नै जंदी रातीं कवार्अर फाइनल मैच च चीन दे तायपी ची तीन चैन गी 19-21, 21-15, 21-12 कन्ने हराई दित्ता।

<><><><><><><>